



Шочмо эл, порылык да чын верч!

БУДЬ ГОТОВ /

21-ше (3721) №,
2025 ий 30 май,
кугарня



0+

Ямде лий

1933 ий 1 февраль годсек лектеш.



Пиал дене темже йоча пагытда!



1 июньшто тўнямбалне Йо-ча-влакым аралыме кече палемдал-теш. Тиде пайрем ик эн кўлешан да куанле лийшаш. Вет кажне йоча – у илыш тўналтыш. Икшыве поры-лык, куан, йўратымаш, моторлык, пиал дене темше илышлан йывыр-тен кушшаш. Арамлан огыл ты пай-рем кенже тўналтышын лач икым-ше кечынже эртаралтеш. Тыгодым тунемме ий мучашлалтеш да эн весела пагыт, каникул, тўналеш.

Йоча-влакым аралыме йодыш тачысе кечынат пўсылыкшым йомдарен огыл. Самырык тукум-

лан кызйтсе саманыштат лўдык-шў ситышынак: интернетыште сочлаштыкласе тўшка-шамыч, буллинг, осал модыш да молат. Садлан кугыен-влаклан кужу кенже каныш годым поснак тўт-кў лийман.

Кенже – ик эн вучымо пагыт. Тунемме идалык деч вара икшы-ве-шамыч канат, капкылым шу-рат, у вийым погат. Теве Морко район Унчо кыдалаш школышто 3-шо классым тунем пытарыше ўдыр-влак Сабрина Файзуллоев-ва, Варвара Григорьева, Дарина

Егорова, Юлия Иванова, Ксения Семёнова (снимкыште), сылне татлан йывыртен, каникул жа-пыште ача-авадан полшаш, шоч-мо кундемем шымлаш тўналыт. Йўн лийме семын кумда Росси-йын сылне верлажым ончал са-вырнаш кумылан улыт.

Лишыл кум тылзыште шонен пыштыме сомылдам ыштен шук-тыза. «Ямде лий» газет редакци-йышке кенже нерген шокшо шар-нымашдам возен колтыза.

Катя СЕРГЕЕВА.
Авторын фотожо.

ПОДПИСКЕ

3-13 июньшто Российыште Подписчикын декадыже эртаралтеш. «Ямде лий» газетлан шулдырак ак – 436 тенгеат 14 ыр (Марий Элыште) – дене возалтса. Индекс – П4696.

Рекламе.



Марий Элын командыже – «Туриадын» сенгышыже!

23 майыште Саратов кундем Хвалыньск олаште «Туриада» спорт-туризм лагерь иктешлалтын. Ты гана тудо Юл кундем ден Рүдö федерал округла, ЛНР ден ДНР, куд йотэл гыч 700 утла участникым ушен. Кум кече жапыште ўдыр-рвезе-влак спорт таңасымаште вий-куатыштым тергеныт, усталык конкурсышто чолгалыкышт дене кумылым савыреныт.

Куандарен: таңасымаште Марий Эл гыч спортсмен-влакын лүмышт чўчкыдын йонген. Иктешлымек палдырнен: Марий Элын командыже (снимкыште) икымше верыш лектын.

– Кугу таум тренерна-влак лан каласена. Нуно мемнам чот ямдыленыт. Кеч командыште шуко самырык спортсмен лийын гынат, нуно ўшаным суленыт. Сенен я сеналтын, йонгылышнам лончылен, ончыко каена да у таңасымаште мастарлыкнам тергаиш эре ямде улына, – ойла Игорь Дмитриев, Марий Элын командыжын капитанже.

Катя СЕРГЕЕВА ямдылен. Фотом Марий Элысе спорт туризм да ориентирований федерацийын «ВКонтакте» соцкылысе тўшкаж гыч налме.



Пиал шыргыжале

Мыланем адакат пиал шыргыжалын. Апрельыште Моском ужаш логалын. У Торъял школ гыч Кира Миронова, Советский район Кельмакса школа гыч Ирина Писарева да мый (снимкыште) «Мыйын кундемысе верысе куче мын историйже» россияйсе конкурсын участникше лийына. Тений конкурсыш Россияын

87 регионжо гыч 1773 йодмаш пурен. Тышеч тўжем участник пашажым очно арален. Нунын коклаште меат лийынна. Шочмо кундемысе талешке нерген кокымшо ий палдаренам да тидын дене кугешнем.

Родион НЕБОГАТИКОВ. У Торъял, Токтарсола. Фотом еш архив гыч налме.

Россияйысе увер

1-22 июньышто «Свеча памяти» онлайн-акций эртаралтеш. Кумылан кажне ен Кугу Ачамланде сар герой-влак лўмеш деньпамяти.рф сайтыште виртуальный сортам чўктен кертеш.

8-11-ше класслаште тунемше-шамыч Госуслуги порталыште «Код будущего. Искусственный интеллект» тунемме курсышко яра ушнен кертыт. Тўрыс увер – gosuslugi.ru/ai сайтыште.

Ўдыр-рвезе-влак, 3-6 снган командым поген, «Память жива» школ тоштер коклаше всероссийский конкурсышко ушныза. Йодмашым 30 сентябрь марте вучат. Кумда увер – «Движение Первых» толкынын официал сайтыштыжге.

Марий Элысе увер

«Российское дерево года» всероссийский конкурсышто 70 ойыртемалтше пушенте верч йўклаш лиеш. Нунын коклаште – «Марий Чодра» национальный паркыште кушшо Пугачёвын тумыжо. Марий Элысе пушенте сенгыше радамыш лекше манын, rosdrevo.ru сайтыште йўкдам 1 август марте пуыза.

Республикысе йоча да самырык-влаклан В.Колумб лўмеш книгагудо «Под семейным зонтиком» дистанционный квест-модмашым эртара. Тушко ушнышо ешлан тўрлő книга лудман да йодыш-влаклан вашештыман. Сенгышым 8 июльышто палемдат.

12-18 майыште Санкт-Петербургышто кадет класс-влак коклаште «Наше Отечество» XX всероссийский сарзе-патриот слёт эртаралтын. Тушто Йошкар-Оласе 19-ше номеран школын Росгвардийын кадетше-влак таңасеныт. Марий Элын командыже 3-шо верым сенген налын.

Чодырам аралена...



17 майыште Медведево районысо Сосновый Бор посёлко вокте-не пуштыгым шынденна. Тудым «Азбука жизни» автономный коммерческий огул организаци-йын «Возрождение лесов в Ма-рий Эл» мер проектше рада-мыште эртарыме.

Ты поро пашашке меат ушнен-на: кочай, авай, Варюша шўжарем да мый изи «бригадым» ыштенна. Кочам лакым ыштен, мый да Ва-рюша шўжарем изи пўнчў-влакым шынденна, авам ведрам нумалын. Питомникиште ончен куштымо

икияш пўнчў росота-влакым шым гектарыште веранденна. Чыла-же – 14500 ончыкылык пушенте! Ме шкена «бригадына» дене ныл кугу ведра изи пўнчым шынденна.

Поро пашам моткоч сайын вика-рыме лийын. Пашалан кўлшў чыла арверым ончылгоч ямдыленит. А сомылым мучашлымеке, чылам тутло кочкыш вучен: шемшыдан пучымыш, кинде, шокшо чай, кол-баса ден кияр, а кампеткыже-е-е – ойлыманат огул!

Илен-толын, шындыме ньога пўнчына-влак мемнам веле огул куандарыше кугу пушентгыш са-вырнат. Ме шкена чодыранам, илышым сўрастарыше да шуйда-рыше ужар поянлыкнам, аралы-шаш улына!

*Драгор ЯНАЙ.
Медведево, Арбан.
Снимкыште: Варюша шўжарем,
мый да кочай.
Вера ГЕРАСИМОВАН фотожо.*

Редакций деч: «Азбука жи-зни» НКО-лан да Марий Элыште ты суапле сомылым вуйлаты-ше Оксана Айтовалан кугу таум ойлена.



Икымше вер – мемнан

Тунемше-влакын «Президент-ские состязания» всероссийский спорт танасымашын регионсо йыжыныштыже Коркатово лицейын «Самырык жап» спорт клу-бышкыжо коштыш йоча-шамыч вийнам тергенна. Мемнан дене пыр-ля ялысе шым команде танасен. Мероприятий «Дружба» стадио-нышто лийын. Икымше кечын вер гыч кужытыш тўршылынна, капым нўлттымаште танасенна, куржта-лынна. Кокымшо кечын «Весела старт» модмашым эртаренит, тео-

рий конкурсышто уш-акылнам тер-генна. Ме икымше верыш лектынна (снимкыште). Тыгай сенымашлан чот йывыртенна. Тиде сенымашым Елизавета Александровналан, мем-нан туныктышыланна, пўлеклен-на. Ынде шыжым «Орлёнок» йоча рўдериш всероссийский танасы-машыш каена. Кажне кечын ямды-лалташ тўналына.

*Полина АЛЕКСЕЕВА, Микрослав СЕМЕНОВ.
Морко, Коркатово.
Фотом лицейын архивше гыч налме.*

Сенымаш



Профессиональный мастарлык дене «Абилимпикс» националь-ный чемпионатын отборочный йыжынже Нижний Новгоро-дышто эртаралтын. Тушто начар тазалыкан да изинек эмганен кушшо ег-влак мастарлыкыштым тергенит. Марий Турек район Ко-солоп школ-интернат гыч Артур Попов (снимкыште) «Пум пўч-кедымаш» номинацийыште ту-немше-влак коклаште сенгышыш лектын. Рвезым туныктышыжо С.А.Зайцев ямдылен. Артур Ма-рий Элын чапшым чемпионатын финалыштыже аралаш тўналеш.

Фотом Марий Элысе Образований да науко министерствын сайтше гыч налме.

Пагалыме айдеме

Мый шке ялысе калык дене ку-гешнем. Изиш ожнырак Пётр Павлович Эчейкин пагалыме кидмастар лийын. Кызыт Татъя-на Васильевна Гаврилова шочмо кундем, калык верч лым лийде тырша. Мый Лидия Васильевна Александрова (Когонова) нер-ген ойлынем. Тудо Морко ра-йон Чодыраялын шочшыжо. Кы-зыт Эгерсолоаште ила. Яллан 250 ий темме пайремыште тудлан Таумутым кучыктенит. Ялыште арулыкым эскера, тўшка пашашке пошкудо-шамычым уша. Книгам шуко лудеш. Тудым калык пагала. Лидия Васильевна – мыйын ковам.

*Таня НИКОЛАЕВА.
Морко, Эгерсоло.*

Ушан ой

Кў уло вийжым, моштыма-шыжым пашалан пуа, тугай егым калык акла.

Вениамин ИВАНОВ.

Чавайн



тукым улына

Шошо

Эн сылне пагыт тольо ялышкеш,
Тўня помыжалте, ужаргыш садеш.
Пакча шенгелне тамле пушыж ден
Вуемым аңгырта мотор сирень.

Сирень аршашым кидышкеш налам,
У шошо толын – пеш йывырте нам.
Садеремже чылт лумудырла коеш,
Кас-йўдым шўшык йўкшў
шергылтеш.

Ах, шошо пагыт, тый улат сўрал!
Айдемын чоным авалта пиал.
Пуэт ўшаным, вийым ешарет,
Яндар южет ден шўмым ырыктет.
*Раисия ЭМАНОВА.
Морко, Кугу Шале.*



Шинчавўд йўре

Кугу Ачамланде сарыште
Сенгымашлан 80 ий теммылан
пўлеклалтше шуко мероприятий
мемнан кундемаште эртаралтын.
9 майыште марш дене ошкылын-
на, кугу пайрем концерт лийын.
«Курымашлык полк» акцийышке
ушненна. Сарыште сенгымашым
лишемдаш полшышо-шамычым
кажне ялыште шарналтеныт.
А.Крупняков лўмеш книгагудышто
«Весна 45 года» усталык конкурс
эртаралтын. Мыят ўрдыжеш кодын
омыл. Джек Алтаузынын «Девочка
играла возле дома» почеламутшым
шўм вошт колтен, шинчавўд йўре
каласкаленам (снимкыште). Тушто
кумшо верым сенген налынам.

*Юлия ЯГОДАРОВА.
Советский, Кельмаксола.
Фотом еш архив гыч налме.*



Дарья ХРАМЕНКОВА.



Варвара ЩЕРБАКОВА.

Англичанла йонгтен

20 майыште «Колумб лудмаш – 2025» олase сылнымут фести-
валь-конкурс эртаралтын. Тудо
марий поэт Валентин Колум-
бын шочмыжлан 90 ий теммы-
лан пўлеклалтын. Тушто 39
участник мутмастарын произве-
денийже-влакым марий да руш
йылмыла дене каласкален, шке
возымо почеламут да муро дене
палдарен.

Йошкар-Оласе М.В.Ломо-
носов лўмеш лицейыште 7-ше
«А» классыште тунемше Да-
рья Храменкова сылнымут кон-
курслаште ятыр гана мастар-
лыкшым терген. Ты гана тудо
кумдан чапланыше поэтын по-
челамутшым англичан йылме
дене лудын.

– *Марий поэт-влакын сылны-
мутышт йот йылме дене йон-
га гын, пеш сай. Тыге нуно уло
тўнялан палыме лийын кер-
тыт. Ты шонымаш дене Ва-
лентин Колумбын «Доброта»
произведенийжым кусаренам.*

Мыланем ты сомыл келшен.
Ончыкыжым вес автор-ша-
мычын пашаштым шымлаш да
кусараш кумылаўынам, – ойла
Дарья. Тудо «Валентин Колум-
бын кусарыме произведений-
же» номинацийыште шке ийго-
танже-влак коклаште ончыко
лектын. Тыгак «Не забывать»
шке возымо почеламутшым ка-
ласкалыме дене икымше верым
сенген налын.

В.Х.Колумбын произведений-
жым йочасадыш коштшо-ша-
мычат куанен лудыт. Теве
Йошкар-Оласе 80-ше номеран
«Ўжара» йочасадын воспитан-
никше Варвара Щербакова «Ры-
выж ден агытан» почеламутым
моткоч моторын каласкален. Ту-
дын усталыкшым жюри кўкшын
аклен да шке ийготанже-влак
коклаште икымше верым пуэн.
Ўдыр тыгак «Ямде лий» газетын
пўлекше дене палемдалтын.

*Оля МАЙКОВА.
Авторын фотожо-влак.*

Яндар кава йымалне

Май – ик эн сылне тылзе.
Пўртўс тўрлў тўс дене волгал-
теш. Ага тылзыште шарнаш
кўлмў ятыр пайрем эртаралтеш.
Иктыже – Сенгымаш кече. Кугу
Ачамланде сарыште кугезе ко-
чана-влак, илышыштым чама-
ныде, тыныслык верч кредалы-
ныт. Ятыр еңже курымешлан
вуйжым пыштен. Ме нуным

шарнышаш да тауштен илышаш
улына. Ялыштына ветеран-ша-
мыч кодын огытыл гынат, ну-
ным эре ушышто кучена. Тек
самырык тукум сўрал майым
курымла дене яндар кава йы-
малне вашлиеш!

*Артем ТИМИРЬЯНОВ.
Башкортостан, Дўртылўё,
Чарлак.*

Тыршет – лектыш куандара

Снимкыште Морко район Купсола школышто 6-шо классым тунем пытарыше Арина Клешинам ужда. Ёдыр мари́й сылнымутым акла. Миклай Казаковын, Сергей Чавайнын, Валентин Колумбын почеламутыштым лудаш йората. Нунын произведенийлашт дене сылнын лудмо конкурслашке ушна. Аринам мари́й йылмым да литературым туныктышо М.Э.Михайлова кумыланга да конкурслан ямдыла.

– Почеламутым лудмо готым мый образыш куштылгын пурем, – ойла ёдыр. – Сылнымутлан келшыше вургемым келыштарем. Кажне шомакым чын умылаш тыршем да шўмчон вошт колтем. Тунам сены-машке шуаш лиеш.

Чынжымак, кеч-могай сомылым кумылын ыштет гын, лектыш куандара. Теве Арина Шернур район Кукнур шко-



лышто эртаралтше «Конаков лудмаште» кокымшо верым сенен налын.

Ўшанена, ёдыр ончыкыжым эше ятыр сенымашке шуэш.

Людмила ГРИГОРЬЕВА.

Авторын фотожо.

• У книга •

Мари́й Элын да Рос-сий Федерацийын сулло журналистше Юрий Исаков «Колумб лудмаш» книга ямдылен. У савыктыш мари́й поэт Валентин Колумбын шочмыжлан 90 ий да «Мари́й Эл» газет лек-



таш тўналмылан 110 ий теммылан пөлеклалтын. Книгашке «Колумб лудмаш» сылнымут конкурсын пўтынъ историйже пурталтын. У савыктышым Мари́й книга издательствыште налаш лиеш.

Икымше сенымаш

Морко район Унчо селаште эртаралтше «Апакай лудмаш» конкурсышто 7-ше номеран Морко йочасадын кум воспитанникше мастарлыкшым ончыктен. Ончаш толшо-шамыч нуным куанен, совым рўж кырен вашлийыныт. Ярослав Васильев Валерий Апакаевын «Кўсалтак» почеламутышым лудын. Тудлан «Кече-Солнышко» журналын тўн редакторжо С.Д.Архипова пөлекым кучыктен. Петя Романов ден Ева Фёдоровалан (**снимкыште**) ты конкурс поснак шерге лийын: нуно сеныше-влак радамыш икымше гана лектыныт. Моткоч ўшанена, йоча-шамыч мастарлыкыштым ончыкыжымат вияндаш тўналыт.



Р.И.ИВАНОВА.
Авторын фотожо.

Сылнымутын ачаже

Пагален Сергей Чавайным, Чавайнурыш толынам.
«Шогертен» почеламутышым Рўдолаште лудынам.

Тачысе кугу пайремлан
Сылне корным возенам.
Сылнымутын ший ачажлан
Таумутым ойлынем.

Чавайнур – пеш чапле ял,
Тыш толаш – кугу пиал.
Уло тыште сай тоштер,
Эн поян да сылне вер.

Пуретат мари́й тоштерыш,
Юзо вийымак шижат.
Пуйто тый коватын суртыш
Унала лач толынат.

Кугешнем моткоч Чавайн ден,
Кеч руш ёдыр мый улам.
Помыжалтат гын трук эрден,
Мый «Отым» вик тылат лудам.
Надежда СЕРГЕЕВА.
Морко, Шўргыял.

Миклай Казаков – шўмбел поэт

Улат мыланем тый гений!
Миклай Казаков – шўмбел поэт.
Руш классик шыма Есенин гай
Шўдыр семын волгалтеш мурет.

«Ни дня без строчки» йўла ден илен,
Ўмырет мучко возен шогенат.
Сылнымут аршашым шочыктен,
Сандалык кумдыкыш луктынат.

Мари́й поэзийым аклен шогена,
Поэтын мурпашажым моктен илена.
Ойпогыжым лудын, чонна куана.
Миклай Казаков ден(е) кугешнена!
А.В.ИВАНОВА, туныктышо.
Морко, Кожлаер.

• Синквейн •

Туныктышо
Поро, ушан.
Туныкта, лудыкта, возыкта.
Тудлан вуйнам савена.
Ава.
6-шо классыште тунемше-влак.
Волжский, Сотнур.



Маска ден марий

маш. Маска марий деке лишемын да йодын:

– Кушко кает, марий?
– Пазарышке.
– Могай сомыл дене тарваненат?
– Энжым ужалынем.
– Энжым! – куанен кычкыра-лын Маска. – Мыланем ужалет мо?

– Йора. А кузе тўлет?
– Оксам уке. Но мый тыланет паша дене полшен кертам.

– Тугеже чодыра воктене пашум куралаш полишо. Мый шу-кертак тушто паренгым шын-дынем.

– Полшем-полшем. Ик кор-зинга энжым веле намияш ит мондо, – йывыртен Маска.

– Келшем, – вавештен Каврий. Икмыняр жап гыч Каврий чодыра воктене у пакчам почын, паренгым шынден. Ялысе калык 6рын: «Кузе Каврий тушто нурым по-



чаш лўдын огыл? Ты кундемыште вет Маска коштеш!» Каврий ден Маска гына икте-васылан полшен иленют. Каврий энжым поген ям-дыла, Маска мланде пашам ышта.

Сама ИВАНОВ.
Морко, Коркатово.
Нейросеть полшымо дене ыштыме фото.

Парентге

Илен улмаш Парентге. Тудым калык ожнысек шуко шын-ден, моло кушкылым – изирак йырангышке. Вўдымат шаваш кўлын огыл, лектышыж дене эре куандарен: иктым шынденют, шымытым налынут. Илен-то-лын, Парентге шкенжым кугуэш ужаш тўналын. Моло пакча-саска ончылно моктанен:

– Мый эн шуко шочам, мыйым нимогай тушманат ок пытаре!


Ваштарешыже ниг6 нимом каласен огыл.

Икана ала-кушеч тора гыч кор-нан-корнан копшанге чонештен толын. Ятыр вере чонештылын, кочкашыже келшыше кушкылым кычалын. Теве моктаныше Парентгын лышташыжым тамлен ончен, пеш келшен. Тушан ешым чумыраш кумылангын. Тыге копшанге еш пошен.

Тылеч вара парентге шудо лектын веле шуэш, тунамак колорад копшанге тудым пы-тара. Моктанышын мокшыжо шелеш, маныт.

Надя ГОДУНОВА.
Йошкар-Ола.

Юзо тоя



Ик ялыште пеш нужна еш илен: ача, ава да изи ўдырышт, Соня. Й6с6 пагыт лийын, сандене ўдыр шко-лышто тунем кертын огыл. Аваже кажне кечын эр гыч кас марте ушкал кўт6м кўтен. Ачаже кугу сарыште кредалын. Тудым ўдыр пеш вучен.

Икана ўдырлан йокрок ли-йын. Кугу чодырашке каен. Кор-но дене ошкылшыжла, ончылны-жо шондыкым ужын. Соня тудым почын, а тушто юзо тоя киен. Ўдыр юзо тоям кидышкыже налын да м6нгыж6 конден. Соня неле илышыжым вавшалташ шонен. Изи ўдыр мландымбалне тыныс-лыкым, йоча-влаклан школышто тунемме й6ным ышташ да ачажым сар гыч п6ртылташ йодын.

Юзо тоя шонымашыжым шуктен.

– Тау, юзо тоя! – Соня йывыртен ойлен.

Карим КАМАЛОВ.
Одо кундем, Караг6л, Пыргынде.
Авторын сўретше.

• У конкурс •

«Йомак йолгорно»

Йомакым лудаш й6ратеда? Илышыште лийдыме кончыш, ге-рой да юзо сўрет-влак шўм-чондам тарватат?

• Ты тўняшке логалаш кумылда уло гын, «Йомак йолгорно» конкур-сышко ушныза!

• Йомакым шке гыч шонен возыза, тудым сўрет дене с6растарыза.

• «Ямде лий» газет редакци-

йыш 23 июнь марте колтыза.

• Сенгыше-ша-мычым 1-4-ше да 5-9-ше клас-слаште тунемше-влак коклаште ойырена да п6лекым кучыктена.

• Пашада-шамычым «Ямде лий» газетыште савыктена.

Конкурсн организаторжо – «Ма-рий Эл» увер агентстве» КАУ.






Ида ойгандаре

Ме, рвезе-влак, велосипед дене кудалышташ пеш йоратена. Но южо йочаже корнышто кудалыштме правилым начар пала. Рвезе-шамыч, корно модыш огыл. Тушто тўрлыжат лийын кертеп. Садлан правил-влакым сайын тунемза, вара веле велосипед дене кугу корныш лекса. Ача-авадам арам ида ойгандаре.

Александр ИВАНОВ.
Морко, Коркатово.

Электротурлым аныктыза

Йоча-влак, кудо лампычкым ойыреда да молан? Шонымашдам «Ямде лий» газет редакцийышке возен колтыза.



МАРИЙ ЭЛ РЕСПУБЛИКИ ТУВЫРА, ПЕЧАТЬ ДА КАЛЫК-ВЛАКЫН ШОТЫШТО МИНИСТЕРСТЫЖЕ
М. Шкетан пумы
Марий кутыжаны драме театр
Марийский национальный театр драмы им. М. Шкетана

ПЕЛЕДЫШ

ИЮНЬ

3	вт	10:30	На русском языке КАША ИЗ ТОПОРА Сказка	Г. Латышева	50 м.
4	ср	10:30	На русском языке КАША ИЗ ТОПОРА Сказка	Г. Латышева	50 м.
5	чт	10:30	На русском языке КАША ИЗ ТОПОРА Сказка	Г. Латышева	50 м.
10	вт	10:30	На русском языке по мотивам сказки Ш. Перро ЗОЛУШКА Сказка	Ш. Перро	1 ч.
20	пт	10:30	На русском языке по мотивам сказки Ш. Перро ЗОЛУШКА Сказка	Ш. Перро	1 ч.
21	сб	16:00	На русском языке КТО ЗДЕСЬ АКТЁР? Экспериментальная постановка Светланы Скулкиной	Скулкина	1 ч. 40 м.
23	пн	10:30	На русском языке по мотивам сказки Ш. Перро ЗОЛУШКА Сказка	Ш. Перро	1 ч.

Татарстан Республикасының Ямде Лий газетасының редакциясы
Татарстан Республикасының Ямде Лий газетасының редакциясы
Татарстан Республикасының Ямде Лий газетасының редакциясы

Йоча-шамыч корнышто коштмо правил-шамычым шарнен кодышт манын, Йошкар-Оласе 80-ше номеран «Ўжара» йочасадыште тўрлў мероприятийым эртарена. Теве шукерте огыл «Рябинка» группышко уна-влак толыныт (снимкыште). Тиде Марий Эл Республикысе МВД Госавтоинспекций управленийын корнышто лўдыкшыдымылыкым эскерыше полкажын кугурак инспекторжо, Светофор да патрульный ма-

шина дене инспектор. Нуно икшыве-влаклан корно правилым каласкаленыт, корнышто тўткў лияш кўлмў нерген ойленыт. Йоча-шамычлан туштым туштеныт, тўрлў модыш дене модыктеныт. А вара патрульный машинашке шинчын ончаш темленыт. Кажне йоча шкенжым инспектор семын шижын да пашан кўлешлыкшым умылен.

Надя ГОДУНОВА.
Авторын фотожо.

31 май – Йыгыр пелаш-влакын тўнямбал кечышт.

Эн сай йолташ



Йыгыр пелашан лияш, очыни, куан да пиал. Теве Морко район Шордўр школышто 7-ше классым тунем пытарыше Андрей дене Сергей Сергеевмыт (снимкыште – ачашт дене пырля)

йыгыр изак-шоляк улыт. Андрей Сергей деч 15 минутлан ончычрак шочын, но тиде ни-гуштат ок палдырне. Коктынат кидпашалан мастар улыт. Спортым йоратат, футболым эскерат, ече дене коштыт, куржталыт. Ончыкыжым механик лийнешт, пашам пырля ыштынешт. Рвезе-влакын койыш-шоктышышт ойыртемалтеш. Андрей ласкарак, шонкалаш йоратыше гын, Сергей – йорга да ик вере шинчен моштышо рвезе. Туге гынат нуно икте-весым нигў деч сайын умылат. Эн ўшанле йолташ да изак-шоляк семын келшен илат.

Катя СЕРГЕЕВА.
Фотом еш архив гыч налме.



0+

Марий Эл Республикысе
«Марий Эл»
увер агентстве» КАУ.
Директор –
Е.И.КУЗНЕЦОВ.
Тўн редактор –
А.Н.ГРИГОРЬЕВА.

Индекс П4696.
Тираж 1550 экз.
Заказ
Формат – А-4-8.

Учредитель-влак:
Марий Эл Республикысе Тўвыра,
печать да калык-влакын пашашт
шотышто министерстве,
Марий Эл Республикысе
«Марий Эл» увер агентстве» КАУ.

Редакций да издатель: Марий Эл
Республикысе «Марий Эл»
увер агентстве» КАУ,
424006, Йошкар-Ола,
СССР Вооружённый Вийын 70-ше
идалькыше урем, 20-шо порт.
Тел. 8(8362) 45-22-82.

Газетым редакцийыште
погымо да верстатлыме,
«Марий Эл Республикысе
Правительствын
типографийже» ООО-што
ямде оригинал-макет гыч
савыктыме.
Типографийын адресше:
424000, Йошкар-Ола,
Комсомольский урем, 112.

Печатьыш пумы жап –
14-00, фактически – 13-00.

Авторын да редакцийын
шонымашышт тўрлў лийын кертят.
Серыш-влак мўнгеш огыт колталт.
Ак – кутырен келшыме почеш.

https://vk.com/yamde_lii
<https://t.me/yamdelii>
yamde_lii@mail.ru
yamdelii@mediamari.ru
(автор-влаклан)
Сайтын адресше: ямделий.рф

У конкурс

Тусто



Полина ден Глеб АВБАКУМОВЫТ.
2-шо номеран Шернур школ.

● Айдеме кая, почешыже кок энэр йога.

● Акамын шинчавүдшө шере.

● Эн куштылго, но торашке кудалташ ок лий.

● Пасум висыме огыл, шорыкым шотлымо огыл, күтүчө тукан.

● Йошкар уш-калым шудо дене йолыштымо.

● Шем ушкалем куржеш, йошкаргыже покта.

● Чанга пушенге саскам чамана, садлан чеверга.

Вячеслав СМЕРНОВ ямдылен.



Кроссворд

«Индеш буква»

Индеш букван кроссвордлан чын вашмутым пуымеке, руш серызым, композиторым пален налыда.

1. «Горе от ума» пьесым возышын лүмжө.
2. Тудынак ачалүмжө.
3. Тудынак фамилийже.
4. Тудо серызе, композитор, дипломат да ...
5. Икмынар произведенийжым «Сын ...» журналыште савыктен.
6. 1817 ийыште А.С.Пушкин да Кюхельбекер дене палыме лийын. Кюхельбекер могай лүман?
7. «Шылтыме» серызын авадын лүмжө.
8. Шужарже Мария Сергеевна профессийже.
9. 1824 ийыште тиде произведенийым возен.


1.																			
2.																			
3.																			
4.																			
5.																			
6.																			
7.																			
8.																			
9.																			

6-шо классыште тунемше-влак.
Волжский, Сотнур.

Шотлыза.



● Шола вельысе сүретым ончен, пурла могырыштымо цифр-влакым ушыза да чиялтыза.



Меранлан кешыр марте миен шуаш полшыза.

